

Normativa específica para Campionato Galego e Circuito Galego de Dúatlon Cros 2021

- 1.- O Circuito Galego de Dúatlon Cros 2021 constará de entre 3 e 7 probas puntuables, que se celebrarán ao longo de toda a tempada 2021.
- 2.- Dadas as solicitudes recibidas, unha de esas probas poderá constituír tamén o Campionato Galego da modalidade, sen prexuízo de que sexa tamén proba puntuable para o circuito.
- 3.- A clasificación individual do circuito establecerase a partir da puntuación acadada polos atletas en cada proba en función do seu posto final, segundo se recolle na táboa 1. Á súa vez, unha das probas do circuito terá o dobre de puntuación que as demais. A proba con puntuación dobre será anunciada previamente ao inicio do circuito, e preferentemente non coincidirá co Campionato Galego. A puntuación final de cada deportista será a suma das súas *N* mellores puntuacións, sendo *N* un número dependente da cantidade de probas que finalmente constitúan o circuito, segundo se recolle na táboa 2. Os participantes que non rematen unha proba recibirán a mesma puntuación que o último clasificado, incluídos os descalificados. Haberá unha clasificación masculina e outra feminina.
- 4.- Poden participar, puntuar e acadar os premios individuais, , en cada unha das probas do circuito, todo/as deportistas que participen con licenza FEGATRI, licenza da Federación Galega de Ciclismo (sempre e cando o convenio vixente se manteña nas mesmas condicións xerais) ou que subscriban seguro de un día coa FEGATRI. Porén, soamente poderán acadar os premios individuais do circuito en todas as súas modalidades (económicos, trofeos, *maillots*, *tritraxes*, etc), e ser así mesmo líderes do mesmo, os deportistas con licenza FEGATRI.
- 5.- En caso de empate en calquera das categorías na clasificación final do circuito, quedará por diante o deportista que mellor posto acadase na proba que tamén fose Campionato Galego. Se o empate continuase (caso de que ningún dos empatados puntúe nesa proba), ou non houbera proba Campionato Galego, terase en conta, por esta orde: ter participado nun maior número de probas, posto acadado na proba de puntuación dobre, posto acadado na última proba disputada.
- 6.- Favorecerase que tanto a proba do circuito que sexa tamén Campionato Galego, coma a proba de puntuación dobre, vaian rotando as súas sedes nas seguintes edicións do circuito.
- 7.- Haberá ao final do circuito as seguintes clasificacións individuais, e a FEGATRI outorgará premio os tres primeiros clasificados en cada unha delas:
 - Absoluta M e F
 - Junior M e F
 - Veterana 1, 2 e 3, M e F
- 8.- A FEGATRI outorgará os seguintes premios económicos aos vencedores absolutos do circuito:
 - 1º clasificado e 1ª clasificada: 400 €
 - 2º clasificado e 2ª clasificada: 200 €
 - 3º clasificado e 3ª clasificada: 100 €So optarán a estes premios económicos os deportistas con licenza FEGATRI da tempada.
- 9.- Os títulos de campións e campioas galegos, obtidos na proba Campionato Galego individual e do circuito só poderán ser outorgados a atletas con licenza FEGATRI (Art. 2 Regulamento Oficial de Competición FEGATRI) . Os Campións absolutos tanto masculinos como femininos, recibirán tamén os correspondentes *maillots* de campións, que será entregado na cerimonia de premios de cada proba aos campións e campioas provisionais. Os posuidores deste *maillot/tritraxe* deberán vestilo en todas as probas da modalidade nas que participen, ata a celebración do Campionato Galego ou Circuito 2021 segundo corresponda, así como as posibles prendas que tamén identifiquen aos líderes ou lideresas provisionais do Circuito.
- 10.- En cada proba individual do circuito, estableceranse os premios e as clasificacións que cada organizador estime oportuno (individuais, clubs, relevos, parellas, etc.), excepto na proba que sexa Campionato Galego, na que se farán obrigatoriamente clasificacións individuais Junior, sub23, Absolutos e Veterana M e F, e onde haberá tamén clasificación por clubs M e F, calculada pola suma de tempos dos tres mellores clasificados de cada club.

11.- Algunhas das probas do circuíto poderanse agrupar en forma de un "sub-premio" da regularidade, onde se terían en conta as sumas de tempos, con regulamento e premios independentes. De poder levarse a cabo esta iniciativa, será anunciada con suficiente anterioridade ao comezo do Circuíto.

12.- Todos os premios contemplados neste regulamento serán outorgados pola FEGATRI no lugar e data que esta determine (entrega de premios de cada proba, última proba, Gala do Deporte, etc.), sendo anunciado con anterioridade suficiente.

13.- En virtude de fomentar a celebración de probas de dúatlon cros, participación de atletas non federados no circuíto, achegar tanto aos mesmos coma aos organizadores a probas federadas, e dadas as particularidades deste tipo de modalidade, a FEGATRI subvencionará os oficiais das probas do circuíto de dúatlon cros 2021, e axudará aos organizadores no custe do seguro dun día, de tal xeito que o deportista inscrito abone soamente a cantidade de 3 euros neste concepto.

POSTO PUNTUACIÓN POSTO PUNTUACIÓN

1º	150 puntos	14º	32 puntos
2º	120 puntos	15º	30 puntos
3º	100 puntos	16º	28 puntos
4º	80 puntos	17º	26 puntos
5º	70 puntos	18º	24 puntos
6º	60 puntos	19º	22 puntos
7º	55 puntos	20º	20 puntos
8º	50 puntos	21º	18 puntos
9º	45 puntos	22º	16 puntos
10º	40 puntos	23º	14 puntos
11º	38 puntos	24º	12 puntos
12º	36 puntos	25º	10 puntos
13º	34 puntos	Resto	2 puntos

Táboa 1: distribución de puntos segundo os postos acadados nas probas do circuíto. Puntúan todos os deportistas que tomen a saída da proba. Na proba de puntuación dobre, recibíranse os puntos según esta táboa pero multiplicados por 2.

Número de probas do circuíto	Mellores puntuacións a sumar
7	5
6	4
5	3
4	3
3	2

Táboa 2: distribución do número de mellores puntuacións a sumar para a clasificación final en función do número de probas que se celebren no circuíto.

Para todo aquilo non recollido neste regulamento aplicarase o Regulamento Oficial de Competicións da FEGATRI e/ou Federación Nacional. Todas as dúbidas que presente o regulamento ao longo da tempada serán resoltas pola Comisión Delegada, quen podería convocar, de así consideralo, unha Asemblea Xeral Extraordinaria da Federación. Para casos de urxencia inmediata decidirá a Xunta Directiva